

Veni, creator Spiritus

- 1) Veni, creátor Spíritus, mentes tuórum vísita:
imple supérna grátia, quae tu creásti péctora.
- 2) Qui díceris Paráclitus, donum Dei altíssimi,
fons vivus, ígnis, cáritas et spirítalis únctio.
- 3) Tu septifórmis múnere, dextrae Dei tu dígitus,
tu rite promíssum Pátris sermóne dítans gúttura.
- 4) Accénde lumen sénsibus, infúnde amórem córdibus,
infírma nostri córporis virtúte firmans pérpeti.
- 5) Hostem repéllas lóngius pacémque dones prótinus;
ductóre sic te práevio vitémus omne nóxium.
- 6) Per te sciámus da Patrem noscámus atque Fílium,
te utriúsque Spíritum credámus omni témpore.
- 7) Déo Pátri sit glória, et Fílio, qui a mórtuis
surréxit, ac Paráclito, in saeculórum sáecula.

Amen

Text: Hrabanus Maurus

Melodie: Jacques Berthier, Kempten (1000)